

- 1<sup>r</sup> Mancher der ritt gern spat vnd frů
- 2<sup>r</sup> Künd er vor frowen kumen zů
- 3<sup>r</sup> Die lont dem esel selten rūw

Kap. 64



### Von bosen wibern.

- 1 Jnn myner vorred hab ich gton
- 2 Eyn bzügniß / protestation
- 3 Jch well der gůtten frowen nycht
- 4 Mit arg gedencken jn mym gdycht

5 Aber man würt bald von mir klagen  
 6 Solt ich nüt von den bösen sagen  
 7 Eyn frow / die gern von wißheit hört  
 8 Die würt nit lycht jn schand verkört  
 9 Eyn güt frow / senfft des mannes zorn  
 10 Assuerus hatt eyn eyd geschworn  
 11 Noch macht jn Hester weych vnd lynd  
 12 Abygayl senfft Daid gschwynd  
 13 Aber böß frowen / gânt böß rådt  
 14 Als Ochosyas müter dett  
 15 Herodias jr dochter hyeß  
 16 Das man den töuffer köppfen lyeß  
 17 Salmon durch frowen rátt verkert  
 18 Wart / das er die abgötter ert /  
 19 Eyn frow ist worden bald eyn hátz  
 20 Wann jnn sunst wol ist mit geschwätzt  
 21 Vnd lylep / schnådern / tag vnd nacht  
 22 Pyeris hat vil jungen gmacht  
 23 Den ist gelüpt die zung so wol  
 24 Das sie dick brennet wie eyn kol /  
 25 Diß klagt / die klappert / diße lügt  
 26 Die richt vß / als das stübt vnd flügt /  
 27 Die ander kyflet an dem bett  
 28 Der eeman selkten fryd do hett  
 29 Müß hören predig ouch gar offt  
 30 So manch barfüsser lyt vnd schloffft  
 31 Es zücht die stråbkatz mancher man  
 32 Der doch das mer teyl noch müß lan  
 33 Manch frow ist frum vnd bschyd genüg  
 34 Vnd ist dem man alleyn zü klüg

---

31 stråbkatz GW5046 GW5047 ] kråbkatz GW5041

35 Das sie nit von jm lyden mag  
 36 Das er sie ettwas ler / vnd sag /  
 37 Gar dick eyn man jnn vnglück kunt  
 38 Alleyn durch syner frowen mundt  
 39 Als Amphyon zů Teba gschach  
 40 Do er syn kynd all sterben sach /  
 41 Wann frowen soltten reden vil  
 42 Calphurnia kem bald jns spil /  
 43 Eyn böß frow stâts jr boßheyt eügt  
 44 Die frow der Joseph dyent / das zeygt /  
 45 Keyn grössern zorn man yenant spürt  
 46 Dann so eyn wibs bild zornig würt  
 47 Die wüttet / wie eyn löwin stüdt  
 48 Der man die jungen nâmen dût  
 49 Oder eyn bårin / die do seygt  
 50 Medea das / vnd Progne zeygt /  
 51 Wann man die wißheyt gantz durch gründt  
 52 Keyn bitterer krut vff erd man fyndt  
 53 Dann frowen der hertz ist eyn garn  
 54 Vnd strick / dar jn vil doren farn /  
 55 Durch dry ding würt die erd erschüt  
 56 Das vierd das mag sie tragen nitt /  
 57 Eyn knecht der worden ist eyn her /  
 58 Eyn narr der sich hat gefüllet ser /  
 59 Eyn nydesch böß vnd gifftig wib  
 60 Wer die vermählet synem lib  
 61 Das vierd all früntschafft gantz verderbt  
 62 Eyn dienst magt die jr frowen erbt /  
 63 Dry ding man nit erfüllen mag  
 64 Das vierd schrygt stâts / har zů har trag

65 Eyn frow / die hell / das ertrich  
 66 Das schluckt all wassers güsß jnn sich  
 67 Das für spricht nyemer / hör vff nũ  
 68 Jch hab genũg / trag nym har zũ /  
 69 Dry ding ich nit erkennen kan  
 70 Des vierden weiß ich gantz nütz von /  
 71 Wann jn dem lufft eyn Adler flücht  
 72 Eyn schlang die vff eym velsen krücht  
 73 Eyn schiff das mitten gat jm mer /  
 74 Eyn man der noch hat kyndesch ler /  
 75 Des glich der weg eynr frowen ist  
 76 Die sich zũm eebruch hat gerüst  
 77 Die schleckt / vnd wüscht den mundt gar schon  
 78 Vnd spricht / ich hab nüt böses geton  
 79 Eym rynnend tach zũ wynters fryst  
 80 Jst glich eyn frow die zãnckisch ist /  
 81 Hell / vnd vâgtũfel hat genũg  
 82 Wer mit eynr solchen zũht jm pflũg /  
 83 Vaschy hat vil nachkomen gelan  
 84 Die wenig achten vff jr man /  
 85 Des wibs will ich geschwigen gar  
 86 Die zũ riechten eyn süpplin gtar  
 87 Als Poncia vnd Agrippina /  
 88 Belides vnd Clytymnestra  
 89 Die jr mann stochen an dem bett  
 90 Als Phereo syn hußfrow dett /  
 91 Gar seltzen ist Lucrecia /  
 92 Oder Cathonis porcia /  
 93 Vppiger frowen fyndt man vil  
 94 Dann Thais ist jn allem spil

11'

1